

欽定四

日涉

李彭撰

七言絕句

老坡自海外歸為書簡寂觀雲卿閣榜今為煞

風景者毀之

筆底颶風吹海波
勝懸鬱鬱照巖阿
十年呵禁煩神物
奈爾焚琴煮鶴何

戲書

欽定四庫全書

日涉園集

虐雪饕風春事晚
輕紅未放入天桃
即看倚杖花經眼
便許堆盤黍雪毛

晴簷已復聽提壺
濁酒聊堪釋荷鋤
短短長長愛園柳
三三兩兩數谿魚

漂井寒泉澈底清
不容私地有蛙鳴
脩除何獨充庖易
要看籜龍將雨行

止酒廢詩春晝長
頗知易戒復難忘
戲於窻下還詩債
便欲花前喚索郎

欽定四庫全書

日涉園集卷一

宋李彭撰

五言古詩

次正平上座韻贈子充

吾宗大宛種未八十二
閑膺門沫流赭氣已無燕
山何時黃金羈鞍轡
長楸間皎皎自空谷待君當御還

戲贈兼簡李翹叟

荊州有醉客踏雪至我廬
缺月寒皎皎掛在東南隅
索

定庫書

欽四全

日涉園集

中國書局

宋·李彭撰

日涉園集

中國書店

圖書在版編目（CIP）數據

日涉園集 / (宋) 李彭撰. —北京：中國書店，
2018.2

ISBN 978-7-5149-1899-1

I. ①日… II. ①李… III. ①宋詩－詩集 IV.
①I222.744

中國版本圖書館CIP數據核字(2017)第317893號

四庫全書·別集類

日涉園集

作者 宋·李彭撰

出版發行 中國書店

地址 北京市西城區琉璃廠東街一一五號

郵編 一〇〇〇五〇

印刷 山東汶上新華印刷有限公司

開本 730毫米×1130毫米 1/16

印張 23.75

版次 二〇一八年二月第一版第一次印刷

書號 ISBN 978-7-5149-1899-1

定價 八八元

詳校官編修_臣朱鈴

欽定四庫全書

集部三

提要

別集類二 北宋

日涉園集十卷

臣等謹案日涉園集十卷宋李彭撰彭字商老南康軍建昌人陳振孫書錄解題以為公擇之從孫王明清揮塵錄謂李定仲求以不得預蘇舜欽賽神會興大獄彭即其孫也二說未知孰是宋史不為立傳其行履已不可

考趙彥衛雲麓漫鈔載呂居仁江西詩派圖
錄自黃庭堅以下二十五人彭名在第十五
居韓駒之亞則彭本文章之士故事迹不見
於史也其集書錄解題作十卷世久無傳今
檢永樂大典所載彭詩頗多抄撮編次共得
七百二十餘首諸體咸備謹校定訛謬仍釐
為十卷以還其舊集中所與酬倡者如蘓軾
張耒劉義仲等皆一代勝流故其詩具有軌

度無南宋人粗獷之態呂居仁稱其詩文富
贍宏博非後生容易可到劉克莊後村詩話
亦稱其博覽強記而獨惜其詩體拘狹少變
化今觀所作克莊所論為近之然邊幅未宏
而捶鍊精研時多警策頗見磨淬之功在江
西派中與謝逸洪朋諸人足相頡頏終非江
湖末近所能及也乾隆四十五年十月恭校

上

總纂官臣紀昀臣陸錫熊臣孫士毅

總校官臣陸費墀

欽定四庫全書

日涉園集卷一

宋 李彭 撰

五言古詩

次正平上座韻贈子充

吾宗大宛種未入十二閑
膺門沫流赭氣已無燕山何
時黃金羈鞍轡長楸間
皎皎自空谷待君當御還

戲贈兼簡李翹叟

荊州有醉客踏雪至我廬
缺月寒皎皎掛在東南隅
索

我五字句慙非競病徒賣菜欲求益故態發狂奴寄聲
李夫子聊為一笑娛

贈子充

阿充克家才昭代真孝秀白髮在板輿色養侍昏晝來
營甘脆具底事成宿留到骨似我窮黃鐘滿君脰落帆
哉生魄步屨月成轂幽園語更僕莫遣雙眉皺覓句洗
愁兵河傾轉箕斗

贈無著

蕭蕭玉澗翁韻調寶瓊朗懷人修文去音塵生逸想豈
唯招重客我廬亦時枉微軫發妙言幽園復清曠飄忽
下巖隈歲月駛兩槩寒蟬久停號新禽哢佳響去者念
履綦方來驚蕙帳伊予厭囂塵絕壑期自放從君割半
峯披雲同矯掌

送人遊吳

朔風號木末迫此歲時晏驅車不停軌客子老昏宦平
生蔣詡徑求羊每娛玩持觴送落日抵掌河宿爛胡為

向吳會雅意訪親串親串者誰歟昂昂金閨彥噓枯由
涵照要津藉推挽念子赴修途發軔在昧旦娟娟所嬌
兒嶷嶷越門限閨人密縫裳遐征苦多綻結束志千里
二事忘一眄莫遣戾戾歌愆期發長嘆

宿歸宗贈軾老

平生丘壑心祇園多幽趣杖藜過懸崖投足澄百慮涓
涓一滴泉湛湛三危露淵源自曹溪甘腴勝牛乳諸峰
羅孫曾一一尊鼻祖法筵碧眼人家世本鄠杜紱樞與

黃閣去天纔尺五不為世網嬰
粲可叶心素繩牀作禪
定大音響韶濩應夢先補陀
祝髮得玉斧我來心眼明
意氣諧律呂金地雨曼殊天
香遶巾屨明當整歸鞍天
末蜚鴻度

奉贈正平上座

若人韻凝遠天資復敦龐
蕭然出塵表幽寺聽逢逢
劍峯極天靜懸瀑聲春撞心
猿久調御業白瑩明缸殘河
橫曉鉢霽霧起寒窓禪餘覓
佳句鼎鼐筆能扛我來孟

冬月望履塵心降世紛
劇羊負是身如帝江願借三峽水
一滋隴頭瀧永辨桑門服猶堪追老龐

和連雨獨飲

力田勝巧宦燕息自超然
懶覩竹素書俯仰丘壑間
時過祇園亦復舞胎仙
偶然得歡趣舉觴望青天
六鑿自無競歛見象帝先
羲皇隔晨炊坐見淳風還
磨螳不少留鼎鼎遂百年
但得會心侶相對兩忘言

次秦處度贈歸宗老示中上座韻

夕霏催節往，槁葉徑辭風。力疾招秦叔，望山扶老筇。泄
雲為卿靄，牽余來鷲峰。中有龐眉老，常持半聖弓。一席
跨牛地，誅茅期此同。虛懷抱朗月，意表得詩翁。遠志是
小草，慎在出處中。公莫厭苦相，歲晏長相從。

嗣首座以老夫詩西嶺障斜日為韻作五章見
寄次韻答之

尋春舍南北，呼酒玉東西。絕勝劉校尉，太乙持青藜。天
邊藝蘭人，風光今幾畦。胡為寂滅海，妙語舒虹霓。

清霜熟柿栗會面一俄頃
蕨拳漸紫苞鳥語度諸嶺
仰頭占昏中弧星光炳炳
何當聽談玄令我發深省

我家二季子風標荀令上
優孟何足求慎勿作楚相
毛顏獨推頽兒能縛籬障
摩挲繭栗姿我老那復壯
爭端起儒墨春蚓兼秋蛇
筆研真淺事專門自名家
但有香積飯不妨薰毗耶
溫風媚高柳招客整還斜

歐峯壓半天堦除轉晴日
落磴多雪芽香草皆碧苾
嗣公釋門老眈眈虎而翼
我欲往叩之藤蘿迷石室

再和嗣首座五詩寄舒老微老

在昔董仲舒屈身相膠西窮經著繁露窺園廢扶藜而
我異於是清晨來灌畦雨餘聊自適微吟看斷蛻

黃生牛醫兒襟量包萬頃稱譏等夢事緩帶耳不領公
議如丹青千載煥且炳古人何必遠薄躬吾屢省

堂堂一舒翁道價融壑上煙霞斷塵緣那復知苦相會
將超諸緣奪我事理障莫言霜滿頤矍鑠一何壯

嗣公丹鳳羽高笑破羣蛙汲引後來秀義俠如朱家出